

Friûl di Jevât

PAR CURE DA LA SOCIETÂT FILOLOGJICHE FURLANE

Vie Ascoli, 1, Guriza - tel./fax 0481533849 - gorizia@filologicafriulana.it - www.filologicafriulana.it

XI[^] edizion pe rassegne di events culturâi metude adun da la Societât Filologjiche

A son passe 200 lis manifestazions in program dai 9 ai 19 di Mai in dut il teritori dal Friûl, e no dome, inte suaze da la XI edizion de "Setemane de culture furlane", la rassegne di events culturâi promovude da la Societât Filologjiche. Intal incuintri di presentazion (te foto) che si è davuelt a Udin, il president Federico Vicario al à dit che "la Setemane e torne cun numars simpri plui impuartants e cun propuestis di cualitât par consolidâ la rêt di colaborazion tra associazions e istituzions di dut il Friûl: un mosaic di events par valorizâ il nestri patrimoni artistic, musicâl, teatrâl, ma ancje ambientâl, che nus permet di dâ vòs a ducj chei la culture le fasin e le vivin".

Concets che a son stâts condividûts dal president dal Consei regionâl Mauro Bordin, dal assessôr ae culture Federico Pirone, dal president dal Ent Friûl tal Mont Loris Basso e da la rapresentante da la Fondazione Friuli, Francesca Venuto.

Al è intervignût ancje Vieri Dei Rossi, fevelant da lis iniziativis pe promozion dal proget su Carlo da Carona e i scultôrs lombarts atîfs in Friûl tal Rinassiment, proget che al ven presentât ancje al Salon dal Libri di Turin; Paolo Patui invezeit al à ricuardât il dramaturc Luigi Candoni a 50 agns da la muart e Novella Del Fabbro e à visât che la "Fraie de Vierte" si le fasarà



E partìs la "Setemane de culture furlane"

*A son passe 200 lis manifestazions in program dai 9 ai 19 di Mai
cetantis tal Friûl di soreli jevât e te Basse*

domenie ai 19 di Mai a For Davôtri. Il program al cjape dentri 27 conferencis e cunvignis, 30 presentazions di libris, 29 incuintri, 35 visitis vuidadis e cjaminadis, 27 filmâts in linie, 18 proieziions, spetacui e concerti, 11 mostris, 24 incuintri pai fruts e pe scuelis. A colaborin passe 70 Comuns, 20 scuelis e istitûts comprensîfs, 180 associazions, centris e grops culturâi, museus e ecomuseus, parochiis, pro loco, grops corâi e compagnis teatrâls.

Si tache joibe ai 9 di Mai a lis 16.00 in Palaç Mantica a Udin cu la presentazion dal video documentari "Territorio e folclore" da la Union dai Grops folcloristics dal Friûl Vignesie Julie. Cun di plui, dai 10 ai 18 di Mai ogni dì a lis 15.00 sul sît www.setemane.it si podaran viodi doi filmâts che a presentin ducj i grops folcloristics regionai. Sul teritori di soreli jevât, simpri joibe ai 9, a Romans a lis 20.30 intal Centri culturâl di Cjase Candussi-Pasiani e sarà la conference di Alberto

a lis 17.30 li da la Aziende Vini Brojli, e a Sarvignan (conference su lis figuris di Adeaide Modena e pre Giuseppe Maria Camuffo a lis 18.00 inte Cjase de musiche cu la Associazione "Cervignano Nostra"), a Dael (conference "Ricordando Antonio Deluisa", vinars ai 17 a lis 20.30 in Sale civiche) e a Rude (visitis vuidadis al Museu Amideria Chiozza, sabide ai 18 e domenie ai 19 di Mai da lis 10 a la une). Duti lis informazions si cjatin sul sît www.setemane.it

Prelli "19 novembre 1616, incursione a Romans" immanead da la Associazione I Scussions, che joibe ai 16 nus propon ancje l'incuintri "Romans, un possibile casteliere di pianura?" cu la archeolice Susi Corazza. Simpri joibe ai 16 a lis 20.30 intal Centri civic di Lucinis "Il vestito di Lucinico", un incuintri cul Grop folcloristic "Danzerini di Lucinico". Sabide ai 11 di Mai a lis 20.30 inte glesie di Sante Polonie di Cormons "Istorie reâl

di Turo Zardini", une serade cun leturis e cjants promovude da la Associazione "Fulcherio Ungrispach"; vinars ai 17 li da la Aziende agricole Gradnik di Plessive "Libars di scugnî là", une leture teatrâl e musicâl organizade dai Amis de Mont Quarine dentri dal festival "Dialoghi".

Inte Basse a son events vinars ai 10 di Mai a Aquilee (incuintri "Bêf e tâs!" cul Grup archeologic di Turo Zardini), e a Sarvignan (conference su lis figuris di Adeaide Modena e pre Giuseppe Maria Camuffo a lis 18.00 inte Cjase de musiche cu la Associazione "Cervignano Nostra"), a Dael (conference "Ricordando Antonio Deluisa", vinars ai 17 a lis 20.30 in Sale civiche) e a Rude (visitis vuidadis al Museu Amideria Chiozza, sabide ai 18 e domenie ai 19 di Mai da lis 10 a la une). Duti lis informazions si cjatin sul sît www.setemane.it

Vinars ai 10 di Mai a lis 8 e mieze di sere in "Cjasa Ascoli" a Gurize

"Maggio 1972", une cjantade che si ispirare a la bombe di Petean



Cetantis musis vino di vè par podê gjavâse inte vite? Cetantis nus coventino par salvâsi de ruvine? Par podê lassâ la ferade di un alc?

Chest si domande il protagonist dal romanç "Silvie te Catedrâl di Taragone" di Gianluca Franco (inte foto la cuviertine), e chest al è ancje il teme de cjantade par vòs e orchestre "Maggio 1972", che di chel romanç, Premi San Simon 2018, e je gjavade fûr.

O podarìn scoltâle vinars ai 10 di Mai a lis 8 e mieze di sere in Cjasa Ascoli, sede di Gurize de Societât Filologjiche Furlane, dentri de Setemane de culture furlane. Ma ce sucedial tal Mai dal 1972?

La ultime di dal mès, intant che la Inter di Jair e Boninsegna e sta pierdint la final di Cope dai Campions cul Ajax di Crujff, une telefonade anonime e vise la centrâl operative dai carabinieri di Gurize che intun lusiç te localitât di Petean e je postade di dis in ca une cincent cun doi bûs tal parebrîs. E je une vuete.

Cuant che dôs volantis di Gardiscje a rivin sul puest l'auto al salte par aiar. A murin trê carabinieri. E po dopo a saran altris carabinieri a disviâ lis indagjins sul atentât par che i colpevui a restin scapui.

Carabinîrs di une bande e carabinieri di che altre, i bogns e i triscj; e nissun nol capis plui indulà che al sta un e indulà che al sta chel altri.

A un trop di fantats inscuelâts - come che al usave in chês volte - a spartî lis personis e i câs de vite in dôs categoriis precisis, il ben e il mâl, ur pâr che dut si sdrumi. Pûr la vite e va indenant, e chei zovins a scuognin inzegnâsi di cualchi mode, a scuognin par fuarce capi cemût che si à di frontâ la vite cuant che nol è plui nuie di sigûr.

E ju cjatarin indaûr cincuant agns dopo, ognidun di lôr al varà fate la sô strade, ognidun a mût so, ma cui podaraial dabon contindi di jessisi salvât di chês ruvine che a sintivin a smaltitâr parsore cuant che a scomençavin a cognoss la vite, a screâ lis emozions plui fondis, a impastanâ il so stamp di oms e feminis, o ben che a sintivin in chel Mai dal 1972?

La cjantade e conte cheste storie, cun tescj e cjançons, cirint di dâi vite e vòs a ognidun di chei fantats. Lu fâs cu lis musicis di Fabio Rivolt e i tescj di Gianluca Franco, cu lis leturis da "Lis Tarlupulis" e cu la esecuzion musicâl dal "Ensemble d'Anjou".